



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ალექსი-მესხიშვილი ვლადიმერ (ლადო) შალვას ძე



ვ. ალექსი-მესხიშვილი.

ალექსი-მესხიშვილი ვლადიმერ (ლადო) შალვას ძე [15 (28). IX. 1915, თბილისი, - 21. VI. 1978, იქვე], არქიტექტორი, საქრთვ. ხელოვნ. დამს. მოღვაწე (1961), რუსთაველის სახ. სახელმწ. პრემიის ლაურეატი (1969), შ. ალექსი-მესხიშვილის შვილი.

1939 დაამთავრა საქართველო ინდუსტრ. ინ-ტი. მეორე მსოფლიო ომის მონაწილე (1941-44). მუშაობდა „საქსახმშენშახტპროექტში“ (1944-58),



ვ. ალექსი-მესხიშვილი. სპორტის სასახლე.

„თბილქალაქპროექტში“ (1958-60), „საქსოფლმშენსახპროექტში“ (1960-63), იყო „თბილქალაქპროექტის“ მთავარი არქიტექტორი (1963-68), არქიტ. სახელოსნოს ხელმძღვანელი (1968-იდან გარდაცვალებამდე). ეწეოდა პედ. მოღვაწეობას (1955-იდან). ძირითადი ნამუშევრები: სანატორიუმი „იმერეთი“ წყალტუბოში (1957; ლ. ჯანელიძესთან ერთად, თ. ფანიაშვილის მონაწილეობით), თბილისში - სპორტის სასახლე (1961; ი. კასრაძესთან ერთად, კონსტრუქტორი დ. ქაჯაია), რესტორანი „იორი“ (1962; ნ. ვადაჭკორიასა და ვ. მეგრელიშვილთან ერთად), საქართვე. სას.-სამ. ინ-ტი (1967; გ. გაბაშვილთან ერთად; სსრკ მინისტრთა საბჭოს პრემია, სპეციალისტთა ჯგუფთან ერთად, 1972),

მეტროპოლიტენის სადგ. „თავისუფლების მოედნის“ ქვედა ვესტიბიული (1967; ქ. კობახიძესთან ერთად), ჭადრაკისა და ალპ. კლუბის შენობა (1973; გ. ლუდუშაურთან ერთად; საქართვე. კომკავშირის პრემია, 1974), ცენტრ. ტელეგრაფის შენობა (1978; თ. მიქაშავიძესთან ერთად; საქართვე. სახელმწ. პრემია, 1983), გამარჯვების მემორიალი ვაკის პარკში (xx ს-ის 70-იანი წწ.; სსრკ სახელმწ. პრემია, 1988; ავტორთა ჯგუფთან ერთად) და სხვ.

ა.-მ-ის შემოქმედებისათვის დამახასიათებელია ნაგებობის რელიეფთან მისადაგება, მსუბუქი და სადა პროპორციები, ტექტონიკურად ლოგიკური სტრუქტურები, ნათელი, მახვილი ფორმის ძიება, დეკორისა და ხელოვნებათა სინთეზის თავშეკავებული გამოყენება. მნიშვნელოვანია მისი გრაფ. ესკიზები, ჩანახატები.

მიღებული აქვს სახელმწ. ჯილდოები.

დაკრძალულია თბილისის საბურთალოს პანთეონში.

ლიტ.: ჯ ა ფ ა რ ი ძ ე ა., მგზნებარე სულის შემოქმედი, «საბჭოთა ხელოვნება», 1984 №8.

ს. კინწურაშვილი
